


[Cosimo I, Grand Duke of Tuscany.]





Digitized by the Internet Archive
in 2018 with funding from
Getty Research Institute

<https://archive.org/details/petriangeliibarg00ange>

PETRI
ANGELII BARGAEI

Laudatio

AD FVNEBREM CONCIONEM

Quæ Pisis habita est in Exequiis

COSMI MEDICIS

Magni Hetruriæ

DVCIS.



FLORENTIAE.

Apud Iuntas.

M. D. LXXIIII.

CVM LICENTIA ET PRIVILEGIO.

PETRI
ANGELI BARGAVEI

Lectando

Ad FVNEREM CONCIONEM

QVINTI BARGAVEI



TORENTIAE

Anno 1600.

M. D. LXXIII.

CVB LICENTIA ET PRIVILEGIO



I quanto vos in luctu & squalore esse animaduerto propter incredibilem dolorem, quem ex acerbissima COSMI MEDICIS Magni Hetruscorum Ducis morte accepistis; Ciuēs; tantam ego ad dicendum vim ac facultatem conferre possem: non dubitarem me esse cunctorum expectationi desiderioque cumulatissime satisfacturum. Ex quo illi prudenter egisse videntur; qui mihi homini, quamquam fortasse aliquantum in dicendo exercitato, sed tamen tam incredibilis iacturae magnitudine vehementer commoto tantum oneris hodierno die imposuerunt. Efficerem enim profecto, vt nulli, neq; vobis ad lugendum causam iustiore accidere: neque cuiquam ad dicendum argumentum copiosius offerri potuisse non faterentur. Nunc vero cum mihi in hac rerum acerbitate versanti tum mentis acies, tum ingenium ipsum, exiguum illud quidem, & voluntati minime par hebescat & langueat, cumque vestrum omnium moerorem esse videam, quem nulli Oratores quamuis omnibus Eloquentiae laudibus affluentes vlla verborum copia vel æquare, vel consequi valeant, nihil planè reliquum est, quamobrem ego quidem confidam fore, vt in hoc ipso argumento tractando talem me præbeam, qualem non modo vos existimatis, sed etiam res ipsa postulat. Quis enim dicendi vsu tam exercitatus est, qui cum, non dicam in communi totius Hetruriae luctu, sed priuatim in suis suorumque Ciuium lachrymis facundus

Laudatio ad funebrem concionem

cundus esse possit, idem etiam stupiditatis atque immanitatis nomine accusari non debeat, & à communi cæterorum omnium sensu plurimum abhorrere non videatur? Neque enim qui vere atque ex animo dolent, dolorem ipsi suum satis commode dissimulant: aut si quâdo accidit, ut temporis causa dissimulent, animus tamen in lugendo occupatus, dum ipse cum ægritudinis acerbitate ac magnitudine quasi luctatur, nihil præclare agere, nihil laudabiliter moliri, nihil, quod ab aliis magnopere commendetur, efficere & præstare consuevit. Quibus quidem incommodis ac difficultatibus planè circumuentus atque oppressus, non profitebor, Ciues, meam hâc Orationem huiusmodi vim habituram esse, ex qua vos ad liberandos animos vestros à mœrore, quo estis affecti, consolationem aliquam hauriatis. Neque, id ut consequar, magnopere contendam, me ut benigne ac perattente audiatis. (Cur enim illud postulem, quod mihi vltro ab omnibus, quæ vestra est humanitas, libentissime tribui video?) Sed ea potius breuissimè percurram, quorum causa par ego esse existimo, ut dolori nostro, quem ex illius obitu omnes capimus, grauissimum & vix consolabilem, non modo ignoscatur, sed laus etiam aliqua, quod illi, quantum quidem in nobis est, indulgeamus, à cæteris gentibus, quarum ad aures peruenierit, non inuitis tribuatur. Neque hac in re tamen ita versabor, ut, quæ ille cumque præclare gessit, ea vobis sim in hac oratione explicaturus. Nam infinita penè cum sint, ab Historicis potius scribendo, quàm dicendo ab Oratoribus tractentur necesse est. De multis igitur illustribus & gloriosis factis, quæ ad tanti viri memoriam cum admiratione & cultu recolendam mihi sese offerunt, ea seligam, quæ cum breui hoc & perangusto temporis spatio satis explicare percenseri poterunt; tum ab eo, quod agi à nobis oportere paulo ante statuimus,

tuimus,

tuimus, non aliēna esse videbuntur. Non possum non magnopere mirari veterum Poetarum sapientiam, Ciues, qui cū existere interdum aliquos vidissent incredibili virtutum excellentia præstantes, eos non homines, sed Heroas appellabant. Quod naturæ quādam quasi similitudine & cognatione proxime ad Deos cū accederent, ex Diis etiam ipsis, tametsi fabulosè illi quidē, at non sine aliquo tamen argumento nati esse crederentur. Sic Thetidem Achilles, Venerē AEneas, Theseus Neptunnum, Romulus Martem parentes habuisse existimati sunt. Quod quidem ego factum puto, quo probabilius naturæ ortum excellentis & supremæ non ad homines, sed ad Deos immortales referri oportere ostenderēt. Cuius præsertim virtus cum in gente quāpiam altissimas radices egisset, eæque postea mirabili quadam continuatione serieq; liberorum & nepotum viros in administranda Repu. facile principes propagauissent, necessario effecerunt, vt huiusmodi familiæ cæterorum omnium familiis nobilitate & præstantia longissime preferrentur. Qua ratione adducti veteres Græci tum AEacidas tum Heraclidas à Ioue: Latini vero Iuliam gentem a Venere, Cæsarem Augustum ab Apolline ortum habuisse autumabant. Quin & ipse quoque Alexander Macedo cognomento Magnus, cum iuueniliter exultaret, & paulo ille quidem insolentius, quam oporteret, gloriaretur, se se è Ioue natum esse, Olympiadem eius matrem facti turpitudine vehementer commotam, tantam audaciam tantamque impudentiam in filio grauiter accusasse, ferunt: cum diceret, an ille me apud Iunonem aliquando tandem criminari non desinet? Sciebat enim mulier castissima non Iouem sed Philippum Alexandri Patrem esse, & ea, quæ de Heraclidarum atque AEacidarum origine, a quibus tum ipsa tum Philippus profecti fuerant, vulgò cir-

Laudatio ad funebrem concionem

cumferebantur, fabulose narrari. Quòd homines suæ sibi imbecillitatis consci fieri non posse opinarentur, vt qui fatu ac natura homines essent, tantas res ipsi sine diuinitate conficerent. Nisi planè dementes fuisse Veteres existimemus, qui non perspicerent quantam labem atque ignominiam virtuti aspergerent, cum quempiam ex incestu ac stupro procreatum fuisse dicerent. Sed illud sine vlla dubitatione verum est: Heroas eos ac diuinos homines dici consueuisse, qui ex iis maioribus orti essent, in quibus non minores istæ ac leuiore virtutes, sed diuinæ scilicet atque heroicæ, quæ supra nos sunt, se se extulerunt. Quæ quàm aptè conueniant in genus ac stirpem planè regiam, ex qua Medices orti sunt, qui non aperte vident, qui non ingenuè fatentur, qui non liberè prædicant: ii præterquam quod in sermone omnium celeberrimo planè peregrinantur, tantum etiam abest virtuti vt fauceant alienæ, vt tam excellentibus vetustissimæ familiæ bonis turpiter inuidere videantur. Nam quæ domus est, quæ plures effuderit in omni virtutum genere principes viros? Dies me, hercule, dicentem deficiat, si eos commemorem, qui domi forisque nominis splendore maxime illustres fuerunt: si clarissimos ac sapientissimos ciues percenseam, qui priuati cum essent, rerum gestarum gloria, & animi magnitudine cum summis atque opulentissimis Regibus contenderunt: si acerrimos ac fortissimos milites: si liberalissimos atque inuictissimos Duces: si maximos & castissimos Sacerdotes ac Pontifices enumerem: quorum omnium actiones & facta non hominum, sed lectissimorum heroum fuisse existimantur. Quæ non eò tamen à me dicuntur, quod ad hanc huiusmodi laudationem faciendam Auorum ac Proauorum imperia, magistratus, potestates, triumphos: publice priuatimque res egregie gestas: cum maximis ac potentissimis regibus

affini-

Petri Angelii Bargai.

affinitates coniunctas commemorare & quasi vobis in Sole ambulanti bus facem præferre instituerim. Sed vt doceam minime mirum videri oportere, si COSMVS MEDICES ortus ab iis maioribus omnium mortalium sapientissimus & opinione hominum habitus est, & reuera etiam fuit. Quod quo certius ex innumerabilibus eius vitæ actionibus constare omnibus potest, eo etiam dolentius ferri hunc ipsius extremum à nobis ad Superos discessum oportere intelligimus. Amisimus enim, Ciues, eum Principem, cui neque ad Hetruriæ totius dignitatem & amplitudinem augendam: neque ad Reipub. Christianæ salutem cōseruandam, neque ad omnium populorum, quibus ipse imperabat, felicitatem, si qua in rebus humanis felicitas est, & præstandam & tuendam quicquam deerat: non opes: non copiæ: non mens: non consilium: non voluntas: non apud omnes gentes ac nationes admirabilis existimatio, atque incredibilis auctoritas. Vt hoc potissimum nomine populi omnes, qui in eius non dicam imperio ac dominatu, sed in fide & clientela conquiescebant, beatissimi esse tum à finitimis, tum ab externis nationibus existimarentur. Eamq. multi Principes ac Dynastæ opinionem cum in suis penitus defixam esse perspicerent, quâquam fortasse tantarû virtutum præstantiæ parum æqui, tamē tantum absuit vt imperandi rationem reprehenderint, vt studiose etiam, quantum quidem fieri præstariq. ab iis potuit, confectati fuerint. Ac me hercule cogitanti mihi, & memoria superioris ætatis incommoda repetenti, quibus & Hetruriæ totius & omnium Italorum res miserimæ conflictatæ sunt, diuinum atque immortale Dei opt. max. beneficiûm videri solet: qui tam miseris ac luctuosis Italiæ temporibus eum virum, atque adeo Heroem excitauerit, cuius virtute & sapientia bella omnia, quibus Europa iamdiu conflagrauerat, sedar-

Laudatio ad funebrem concionem

rentur. Quod quidem ipsum quamquam magnis laboribus & erumnis suis consecutus est, ea tamen potissimum auctoritate, quam illi res iam inde ab adolescentia vel a pueritia potius non minus fortiter quam prudenter actæ maximam compararunt, in primis confecisse existimari & potest & debet. Nam aut hic noster vnus est, qui suo ipsius exemplo, quantum consilio tribui oporteat, planissime ostendit, aut alius nemo: siue ille ex nostra, siue ex Annalium memoria repetatur. Et quidem, vt cæteros prætermittam omnes, qui a senibus ipsi penè pueri ad clauum Reip. gubernandum è priuatis familiis euocati sunt, vnum C. Octauium, qui postea est Augustus cognominatus, nominare possumus, quicum COSMVM MEDICEM comparemus. Is enim cum annos ad 18. natus esset, a Senatu Reipu. gerendæ præfectus est. Qua tamen prospere gesta dominandi cupiditate accensus atque inflammatus, eos, quorum opibus & consiliis adiutus, auctus, atque ad summum imperium euectus fuerat, flagitiosissime prodidit: & communibus populi Ro. hostibus se adiunxit: iisque mox è medio sublati per ciuium cædes aditum sibi ad eam Remp., quam in fidem ad certum tempus receperat, quo iure quæue iniuria occupandam patefecit. At hic Heros noster, paulo adolescentior cum esset, & ciuium dissensione potentissimorum status Reip. miserè laboraret, eoque rerum summa redacta esset, vt omnia omnium cædibus paulo post complenda esse viderentur: neque quidquam propius abesset, quàm vt Vrbs Florentia sedibus penè suis euerteretur: & cuncta Hetruria foedissimis bellis, incendiis ac rapinis vastaretur, è priuata domo, in qua à sanctissima matre MARIA SALVIATIA castissime atque integerrime ad spem supremæ fortunæ eductus fuerat, excitus, atque adeo quasi quidam nouus Serranus è suburbano agro, in quem

Petri Angelii Bargai.

quem ipse animi causa diuerterat, ad Dictaturam summa populi voluntate à frequentissimo senatu euocatus, Remp. suo ipsius patrocínio commendatam accepit, non ut ad tempus eam gereret, sed ut tanquã Gubernator ad clauum in puppe residens perpetuo administraret: eiusque cursum sic dirigeret, ut à nemine præterea quamuis improbo & factioso ciue impediri aut retardari posset, quo minus in eum portu, quem optimi quique magnopere optabant, incolumis perueniret. Quod cum fieri vix posse nonnulli arbitrantur: futurumque existimarent, ut Ciuēs rursus inter se grauissimis dissensionibus ac discordiis agerentur; atque vnà cum ipso adolescentulo **COSMO MEDICE** Remp. funditus euerterent, auctores illi erant, ut non modo patienti, sed etiam libenti animo tam graue ac periculosum onus deponeret. Qua scilicet ratione si ruenti patriæ ferre opem non posset, at salutem ipse suam, quam quisque charissimam habere consuevit, honestissime tueretur. Verum enim verò cum ipse minus omnino sibi, quàm patriæ se natum esse existimaret, nulla, neque impedientis periculi tempestate, neque terrorum ac minarum, quæ proponebantur, magnitudine, neque certissimæ mortis denunciatione permoueri vnquam potuit, quo minus illud ipsum, quod semel sibi a Senatu mandatum fortiter agere instituerat, constantissime persequeretur; & patriæ salutem sua sibi esse salute longe antiquiorem ostenderet. Qua quidem in re quantum hostibus tum bellicæ facultatis scientia præditis, tum rerum gerendarum usu exercitatis virtute & sapientia antecelleret, patefactum est. Nam cum eos, in apertam vim coniecisset, ita ipse pene præidiis omnibus destitutus aduersarios ab opibus & copiis paratissimos, & ad ciuium cædes instaurandas, Reique P. statum conuellendum ruentes fudit ac fugauit, nihil ut esse per-

Laudatio ad Funebrem concionem

timeſcendum oſtenderit, vbi conſilium cum temeritate; Virtus cum audacia; ius cum iniuria conſiſtat ac dimicat. Vicit enim propemodum inermis armatos; puer viros: imbecillus robuſtos: Tyro Veteranos. Qua quidem ex victoria haud fanè facile ſtatucri, maiorem ne auctoritatem apud hoſtes, an beneuolentiam & charitatem ſibi apud ſuos conciliauerit. Nam neque hoſtes, cum bellicam virtutem, quã antea, vt in puero, aut nullam aut perexiguam eſſe opinabantur, ſuo ipſi periculo & plurimam & excellentem fuiſſe cognouiſſent, vllũ præterea bellũ ad oppugnandã patriã ſibi eſſe redintegrandũ putauerũt: neque ciues tot tantorumq; periculorũ formidine liberati, amare illum & ſingulari charitate proſequi non poterunt: à quo ſe ipſi vnã cum Rep. præter ſpem atq; opinionẽ ſuam ſeruatos eſſe apertiſſime vidiffent. Et quidem non defuerunt qui tam incredibilis, tã inſperatã, tam repentinã propemodũ victoriã exitum vel perpetuã **MEDICVM** felicitati, vel Dei opt. max. ad quem omnia referenda ſunt, voluntati & conſilio tribuerint. Ac mihi fanè libet hic cõmemorare, Ciues, quod quamquam fabuloſum fortasſe videri poteſt, multorum tamen ſermone celebratum eſt; & rerum, quæ poſtea conſecutæ ſunt, euentu comprobatum: à nobis certè de iis auditum, qui totum id, quod dicturi ſumus, ab eo, cui euenit, ſeſe accepiſſe teſtarentur. Ferunt enim Petro Strotio earum copiarum Duci, quæ tum reducendorum exulum gratia coactæ in citiore Gallia fuerant, iam iam ex Apennino in Heturiam deſcendenti ſecundum quietem viſam eſſe hominis imaginem longè illam quidem humana imagine auguſtiorem. quam cum interrogaffet, ecquæ nam foret? miſtabundam reſpondiſſe, ſeſe **IOANNEM MEDICVM COSMI** patrem eſſe. Illum, inquam, belli fulmen, cuius adhuc nomen omnes gentes ac nationes

Petri Angelii Bargai.

tiones perhorrescunt. A quo deinde cum ipse sibi in Galliam reduci obtorto collo, & vniuersus exercitus, cui præerat, armis, viris, terrore, periculoque mortis repelli, fugari, cædi visus esset, expergefatum consurrexisse, ac tanto metu perculsum esse, vt de fuga postea potius, quàm de victoria sibi esse cogitandum statuerit. Sed siue Heros ille inuictissimus è Cælo ad hostem perterrendum descenderit: Siue Deus opt. max. causam hanc nostram meliorem esse iudicarit: COSMVS certe IOANNIS F. MEDICES, ac patriæ fortitudinis effigies, armis & consilio conatus Aduersariorum fregit: ac tum primum ea victoria potius conualescentem Remp. confirmauit. Atque hac quidem in re quâ tum Cæsari Augusto præferri possit, facillime intelligent, qui vtriusque factum diligenter perpenderint. Nihil enim prohibet quo minus in dispari imperio ac dominatu par dignitas & fortuna eadem esse potuerit: Ille igitur Remp. præcipitantem impulit, ac perditam prostrauit: Hic labantem sustinuit, & prostratam erexit. Ille vniuerso penè Senatu extincto, atque innumerabilium ciuium sanguine crudelissime effuso Rempu. occupauit. Hic ex hostium etiam numero pluribus omnino vel in ipsa victoria seruatis, quàm interemptis, ac nulla planè siue in senatu, siue in populo cæde consecuta imperium constabiliuit. Ille mox licentiam sæuendi nactus nobilissimas quasque familias sustulit. Hic agendi clementer occasionem adeptus non modo cuiusquam fortunas non euertit, sed multos etiam ciues, qui superiorum temporum asperitatibus in maximas difficultates coniecti fuerant, in pristinam dignitatem atque amplitudinem suo priuatim sumptu restituit. Quamobrem eosdem illos hodie quoq. in ciuitate florere non ignoramus, quos antequam ipse Reipub. gerendæ præficeretur, opibus & copiis floruisse audiuius. Oh benig-

Laudatio ad Funebrem concionem

gnitatem admirabilem, o, humanitatem incredibilem, o, nullis vnquam sæculis auditam mansuetudinem. Quod plerique omnes, cum in libera ciuitate regnare incipiunt, necessarium esse putant, vt, quos etiam leuissimis de causis suspectos habent, eos quo iure quauē iniuria è medio tollendos curent: magnasq; familiarum opes & factiones, quæ principem locum antea in Rep. obtinere & quasi dominari consueuerant, obiectis multarum rerum difficultatibus atque incommodis infringant ac debilitent, ipse tantum adest imitatus vt sit, vt etiam quā plurimis pepercerit: adeundi magistratus & honores potestatem fecerit: Rem familiarem amplificauerit, eorum etiam, quorum in se odia fuisse acerbissima non suspicione atque indicis, sed re ac factis apertissime deprehēderat. Hæc qui non suspiciunt, qui non admirantur, qui præcipuis quibusdam laudibus in Cælum non ferunt, ii aut quantum diuinæ cuidam atque heroicæ virtuti debeamus non intelligunt: aut si intelligunt, & tantorū tamen factorū magnitudinē vel verbis extenuant, vel silentio prætermittūt, iam huiusmodi homines, non homines sed! hominū monstra ac portēta sint necesse est. Cæterum quātum illi in re militari auctoritatis & estimationis attulerit Resp. fortiter & prudenter gesta, ea, quæ mox consecuta sunt tempora facillime demonstrarunt. Nam cū paulo pōst in Insubris is, qui tum Pro Cæsare in Italia Hispanis legionibus præerat Alphonsus Daualus fortissimus Imperator insignem cladem a Gallis accepisset; parumque abesset, quin illi eam victoriam consecuti rectā se ad oppugnandum Mediolanum conferrent: atque Hispanos ex vniuersa Italia præcipites exturbarent, penē prius ab Heroe hoc nostro lectissima Hetruscorum militum manu cōfirmatus est, quā ab hostibus victus. Etenim nostrarum legionum aduentum tantum terroris victoribus attulisse

Petri Angelii Bargai.

attulisse tum constat, quantum non modo ad eorum animos iuueniliter exultantes reprimendos, sed etiam ad res Cæsaris, quæ tanto accepto vulnere penè corruerant, subleuandas & constituendas satis fuit. Itaq; cum omnium opinione attritæ atque euersæ radicitus viderentur, in eum locum a nostris restitutæ sunt, vt ex inferioribus ac perditis, superiores atque integræ repente euaserint. Quod quidem ipsum nemo tam inuidus est, qui cum Hetruscorum militum virtuti ac disciplinæ, tum COSMI MEDICIS, cuius auspiciis ac iussu eò profecti fuerant, incredibili prouidentia, vigilantia & felicitati acceptum referri oportere non ingenue fateatur & prædicet. Sustinuit itaque ille suis propemodum humeris res Cæsaris in Infubria labantes. Qua quidem in re præterquàm quòd Cæsari pro iis, quæ ab illo acceperat beneficia & plurima & maxima, gratiam cumulatissime retulit, communi etiam totius Italiæ quieti & tranquillitati consuluit. Id quod cum cæteris, quibus ipse semper non minus quàm sibi prospectum esse voluit, otium & securitatem peperisset, in suam suorumque perniciem propemodum redundauit. Nam Henricus Valesius aliquot post annis, cum in Gallia regnum obtineret, quod ea in re parenti suo Francisco Valesio iniuriam fuisse factam existimaret, aut quod tum quidē ita videri vellet, hominum maleuolorum vocibus & scelere exulceratus, suasionibusque impulsus graue bellum nobis inferre statuit. Quod cum sibi necessario suscipiendum esse COSMVS MEDICES intelligeret, quamquam animo planè inuito ac recusanti cum affine atque amico Rege vi & armis decertaret, tamen tanta cum animi alacritate suscepit, vt dubitaret nemo, quin ipse sibi suo suorumque consilio, Reique p. cui præerat, viribus & causæ ipsius æquitate fretus, certissimam victoriam polliceretur. Itaq; cum & reli quæ totius Ita-

Laudatio ad funebrem concionem

lic nationes ac Principes rerum euentum suspenso animo expectarent, futurumque crederent, vt euerso MEDICVM imperio Galli paulopost in Hetruria dominaretur: ideoque omnes metu perculsi se suasque vires intra suos fines continerent: easque hostibus potius, quam nobis impertirent, ipse vnus incredibili quadam animi magnitudine præditus fortissime & constantissime totum illud bellum administravit: & ad eum exitum perduxit, ad quem nulli prorsus peruenturum esse sperauerant. Quid enim sperarent? cum & finitimas ciuitates ac Dynastas partim reuiuiscendi ac surgenti MEDICVM gloriæ obscurè inuidere, partim rerum nouarum cupidos Gallorum opibus palam fauere animaduertent, Regem autem ipsum potentissimum vniuersam Galliam mox esse in Hetruriam effusurum opinarentur. Consecutus igitur is exitus est, quem & optimi quique magnopere optabant, & tanti Herois virtus tam excellens, tam admirabilis, tam incredibilis expetebat. Atque hoc quidem in bello quid est, Ciues, quod pro rerum dignitate & magnitudine prius admiremur? Prudentiam ne? cuius vi factum est, vt cum hostes essent nos incogitantes atque imparatos iam iam obsessuri, ipsi se obsideri senserint: bellumque, quo nos appetere instituissent, in finibus suis gerere coacti sint. An animi excelsi atque inuicti magnitudinem & robur? quo ipse præditus nullum vnquam tam atrox periculum rebus suis impendere animaduertit, quod vel tantulum pertimuerit: nullam cladem tam insperatam vnquam accepit, cuius ipse importunitate perterritus sibi esse ab incepto desistendum, & de pace cum hoste agendum putauerit. An in rebus duris atque aduersis patientiam? In prosperis & secundis æquabilitatem? Quis enim illum, cum flagrate bello fortuna minus propitia vteretur, frangi animo ac debilitari vnquam vidit? Quis postea, cum eodem penè die

Petri Angelii Bargai.

die Heleanoram Toletanam lectissimam foeminam, & è Regia familia ad imperandum planè natam, vxorem suam, duosque item filios iam natu grandes, & animi, & corporis bonis omnibus florentissimos amisisset, vultu immutatum perspexit? quis rursus cum res, quemadmodum omnes magnopere optabamus, prosperissime succederent, eum esse factum paulo elatorem atque insolentiorè audiuit? Ac profectò videtur mihi diuino planè consilio accidisse, vt tantam belli molem ipse in se vnum incumbentem, tantumque fortunæ periculum & necessario subierit, & constantissime sustinuerit, quò scilicet apud omnium animos testatum esset: futurum omnino fuisse, vt si minus a fortuna ad regium apicem iam inde a puero eueheretur, regnum tamen ipse iam grandis natu sua sibi esset virtute comparaturus: Si quo casu præclarè agendi occasionem nactus re ipsa ostendere potuisset, Virtutem potius quam Fortunam ab hominibus afferri oportere ad imperandum. Quis igitur tam durus, tam ferreus, tam inhumanus est, qui tanta tantæ virtutis & præstantiæ iactura non moueatur? Equidem quod ad me attinet, cum mecum ipse cogito quantum id sit, quod in vno hoc Heroe amisimus, nihil esse planè statuo, quamobrem nunc quidem omnes omnium miserrimi esse non iudicemur. Ac præsertim cum à rebus bellicis, in quibus quâquam prudentiam principè locum occupare oportet, fortuna tamen iure quodam suo dominari ac regnare nemo negat, ad res urbanas ac domesticas contemplandas animum reuoco. quando in iis non impetu ac temeritate sed delictu & sapientia ad agendum ducimur, quantumque in bello inconstantia & casus sibi vindicare, tantum in hisceratio & consilium valere consuevit. Quid igitur, maioremnè ille domi, quàm militiæ: togatus, quàm armatus: in pacè, quàm in bello: inter Cives, quàm

Laudatio ad funebrem concionem

quàm inter milites gloriam repperit? Repperit mea quidem opinione tanto maiorem atque ampliorem, quanto laus existimari solidior debet, quam nos ex nostris potius, quàm ex aliorum præclare factis capimus. Quamquam quæ ipse armis & militum robore quæsiuit, non aliorum viribus, sed vni eius virtuti tribuamus necesse est. quippe qui consilio & sapientia, quæ foris gesta sunt, dum in vrbe se continet, tanquam mens in capite residens, administravit. vt hac quidem de re multo maiore in admiratione apud homines esse possit, quàm si ipsemet armatus in aciem prodiisset: atque immemor suorum salutis, dum se periculis exponeret inanem gloriæ speciem; & falsam quandam non veræ fortitudinis laudem confectatus esset: nisi nos fortasse laterum ac lacertorum viribus virtutem potius, quàm ratione & consilio metiamur. & eum, qui res magnas gerit, maiore commendatione prosequamur, quòd manibus valentior, quàm prudentia consultior cum fuerit, rerum omnium summam in extremum discrimen adduxerit. Non est eorum hæc laus, quorum in vita totius Ciuitatis ac populorum omnium salus continetur. quam qui Reip. præsumunt vnà secum periclitari patiantur, iam non conseruatores, sed patriæ proditores vt appellentur, digni sunt. Errant ita q. illi mea quidē sententia, & vehementer falluntur, qui iisdē è fontibus laudē manare existimant: Imperatoris, & hominis in Rep. principis: cuius cum salute Reip. salus ita coniuncta sit & copulata, vt periclitari ac ruere omnino nō possit, quin & ipsa Resp. planè periclitetur & corruat. Quærāt hoc decus, atq; hoc audaciæ præconium, qui aut nihil præterea habēt, quā obrè magnopere gloriētur: aut nullā aliam occasione ad præclare agendum sese consecuturos esse intelligunt. Sed qui personam sibi eam impositam vident, cui non priuatim suam, sed suorum beatitudinem

atque

atque incolumitatem propositam esse oporteat, ii reprehendendi planè sint; si vt imperii fines proferant, vt trophæa de victis hostibus constituent, subire bellorum pericula, & vitam ipsi suam Fortunæ temeritati cōmittere non verentur. nulla est victoria, nullus triumphus tanti faciendus, vt dignus esse existimetur, cuius ad ipsiscendi cupiditate impulsus nihil non sibi faciendum atque audendum ii putent, qui principem locum in Rep. obtinent. Multa sunt: in quibus solidiore omnino cum laude versari queant. Nam pie sancte que Deum qui colit: & vt ab aliis religiosissime colatur in primis cauet: qui optimos ac sanctissimos mores in ciuitatem ac Kemp inducit: qui præclarissimas leges, quibus domi forisque ciues vtantur, condit: qui suis nihil vt ad bene beateque viuendum desit, studiosissime curat: qui vrbes Deorum immortalium templis, basilicis, porticibus, statu is exornat: qui agros ex pestilentibus salubres: ex incultis ac sterilibus, celebres & fœcundos reddit: qui Arcibus: qui propugnaculis: qui portibus regionē & imperii fines vincit ac munit, vt ciuibz nō modo securitatē, sed etiam vberissimam rerum omnium copiam & affluentiam pariat: Hunc ego non iam cum summis ac præstantissimis Imperatoribus Fabriciis, Curis, Scipionibus, AEmiliis, Fabiis Maximis exæquandum, sed cum priscis illis Heroibus Hercule, Theseo, Pirithoo, Quirino comparandum, atq. ad eō cunctis anteponendum puto. Nam quod ad Dei opt. max. cultum & religionem pertinet, vt omittam quā seueris suppliciis eos, qui a priscorum & sanctissimorum patrum institutis & præceptis dissentiunt, & nouas religiones in Kemp. inducunt, semper fuerit persecutus: quā omni diligentia perniciosas ac turbulentas huiusmodi opiniones seditiosorum hominum de ciuitate ac de imperii sui finibus expulerit, exterminauerit, eiecerit: quan-

Laudatio ad funebrem concionem

tate Romanorum Pontificum ac Sacerdotū sanctimonia obseruauerit: quā pudicē eas Virgines, quæ se Deo dicauerunt, asseruari studuerit: quā frequenter sacras ædes venerabundus adire, & sacrificiis, quæ illic fierent, interesse consueuerit: quantam denique pecuniæ vim in eorum fratrum ac Sodalium familias & cœtus effuderit, quorum in colendo numine vel quotidianam operam & assiduitatem interrumpi, vel voluntatē & cursum inopia retardari intelligebat. Vt tacitus (inquam) hæc omnia prætermittam: quale quātumque illud est hærentis in animo atque in intimis visceribus ac medullis infixę penitus erga Deum pietatis testimonium? quod in hac ipsa vrbe Diuo Stephano magnificentissimum templum ædificari curauerit: ac non modo illi castissimos atque integerrimos sacerdotes addiderit; verum etiam fortissimorum militum sodalitatem è nobilissimis totius Europæ familiis selectā & conflata instituerit, qui publice priuatimque religiosissime pietatem colant, & ad Reipu. Christianæ salutem defendendam ac dignitatem amplificandam; maiestatemque retinendam in iis præsertim bellis, quæ cum Turcis perpetuis atq. atrocissimis Christiani nominis hostibus suscipiuntur, vitam summa cum alacritate, si res ita postulat, & ponant & profundant. Quā obrem illi quidem in ea pugna, quæ tribus fermè ab hinc annis ad Echinadas insulas omnium maxime memorabilis a classibus nostris cum Turcarum classe commissa est, non minus insitæ virtutis, quā integerrimæ fidei, cuius religione obstricti ipsi se ad pugnandū contulerant, specimen dederunt. Nam cum omnes fortissime se gessissent, partim in ipso prælio interempti occubuerunt: partim multis acceptis vulneribus seruari sunt: vt eius victoriæ non minimam laudē sup ipsi sanguine & vita conquistam in Hetruriam reportauerint; & M. Antonio Columnæ Imperatori fortissimo,

Petri Angelii Bargai.

Simo, cuius auspiciis duodecim ipsæ triremes lectissimorum militum, ac præstantissimorum Equitum robore vel in primis instructæ, & à COSMO MEDICE Magno Hetruscorum Duce ad Pontificem missæ Christianæ Reip. egregiam operam nauauerant, à Pio v. Pontifice max. triumphus in vrbe Roma decretus fuerit. In quo tum quidem non tam inuictissimi Imperatoris, ac de re Christiana optime meriti virtus est immortalitati commendata: quàm COSMI MEDICIS, cuius ille paratissimæ classi præfuerat, fides & obseruatio in Romanum Pont. incredibilis, pietasque admirabilis erga Deum spectata, & ab optimis quibusq. celebrata omnium ora atque oculos in se conuertit. quod ipsius opibus & copiis Populus Rom. adiutus re omnium pulcherrimam, & fortunæ sæuentis iniuria non modo ex oculis sublatâ, sed etiam è memoria planè deletam multis post sæculis renouare, ac lætissimus spectare potuerit. Quamobrem fremant omnes licet. dicam libere quod sentio. Vna hæc me hercule tam propensi in Remp. Christianam animi significatio huiusmodi fuit, vt inter tanti Pontificis acta, quæ & plurima, & præstantissima fuerunt, nihil reperjatur, quod illi sit apud posteros maius ad memoriæ perpetuitatē decus allaturum, quàm quòd multò ante COSMVM MEDICEM, perspecta scilicet atque optime cognitam excellentis Herois præstantia Magnum Hetruriæ Ducem appellauerat. Quid enim pulchrius cogitare? quid ad nominis immortalitatem sui certius facere potuit? quàm grauissimo quodam ac singulari iudicio testatum relinquere, se tãtam animi altitudinem, quam in multis ab eo præclare factis perspexerat, præterire non potuisse, quin, quibus ipse honorum insignibus ac monumentis posset, ornatam atq. illustratam prosequeretur? Viderat hunc optimus atque incorruptissimus Pontifex iam inde a pueritia iustissime suis

Laudatio ad Funebrem concionem

imperare: populorum salutem charissimam habere: optimis moribus ciuitatem ornare: improbitatem & scelus odisse: integritatem: sanctitatem: innocentiam publice priuatimque colere: suis artibus & consiliis Italiæ pacem multo labore constabilitam tueri: opibus & copiis rem Christianam iuuare: nullam præclare agendi occasionem prætermittere: nihil non magnum atque excelsum cogitare: nihil non omni omnium admiratione dignum moliri. Nam & in Flaminia Helzopolim, & in Ilua insula Cosmopolim urbem ab humo excitatam extruxerat: eamque firmissimo præsidio munierat, vt Ligurum, vt Hetruscorum, vt Latinorum securitati prospiceret: & Africanis latronibus quasi compedes iniiceret. Viderat hunc eundem Oppidorum substructionibus ad eas Hetruriæ partes, quæ desertæ sunt ac derelictæ, frequentandas maritimam oram passim occupauisse, & in ipsis me hercule summis saxis ac scopulorum verticibus ad fines imperii tuendos arces & castella posuisse, quæ & locorum situ, & murorum firmitate atq. opportunitate turrium ac propugnaculorum incredibili, nulla ui expugnari posse viderentur. Viderat liberos, quos suscepisset, FRANCISCVM FERDINANDVM ac PETRV M certissima perfugia ac præsidia bonorum omnium domestica disciplina ad pietatem erga Deum, ad charitatem erga suos, ad liberalitatem & munificentiam erga omnes ab eodem educari: ad iustitiam, ad continentiam, ad temperantiam, ad lenitatem, ad facilitatem, ad affabilitatem colendam, cæterasque omnes (vt ita loquar) siue maiorum siue minorum gentium virtutes & percipiendas & habendas institui. Quarum quasi cœtus & consensus mirabilem futuræ amplitudinis spem polliceretur. Viderat, viderat, inquam, nullos exercitus a Cæsare in Pannonias conscribi, vt irruentes in Germaniam Turcas

Petri Angelii Bargai.

Turcas coherceret: quin cum iis Hetruscæ legiones armis atque omni militari copia ornatissimæ proficiscerentur: nullam Classẽ siue ab eodem Cæsare siue a Philippo eius F. Hispaniarum Rege comparari, vt cum Byzantiis classibus confligeret: vt Mauritanos latrones è sedibus exterminaret suis: vt Christianis hominibus aditum in Africam patefaceret: vt Libyæ oram præsidii vinciret: vt Melitam iamdiu oppugnatam obsidione liberaret, quin cum eadem Classe Classis Hetrusca ad pugnandum paratissima nauigaret. Viderat denique iustissimo bello propulsatis & coercitis hostium iniuriis fines longissime protulisse: seque rerum præclare gestarum & numero & magnitudine cum potentissimis regibus adæquauisse. vt si tantus Pontifex tantorum factorum amplitudinem & præstantiam tacitus dissimulasset, omnem planè omnibus Christianis Principibus spem ad præclare agendum optimeque de Rep. Christiana merèdum præcidisset: seque omnium esse hominum ingratissimum aperte significasset. o, admirandam sapientiam: o, mentem Cælo ipso, vnde ad nos descenderat, dignissimam. quæ eo cognomine Heroem hunc nostrum par esse vt ornaret, existimauerit, quod ad piè sancteque viuendum; ad iuste imperandum: ad populorum salutem tuendam: ad imperium Christianæ Reipub. vindicandum ceterorum omnium animos in futurum excitaret. Sunthec omnino, Ciues, quæ hucusque commemorauimus, ingentis animi & heroicarum virtutum indicia, vel testimonia potius. Sed quæ sequuntur quàm fortasse nomine ipso leuiora: re tamen & factis, suo, si pondere æstimentur vel paria, vel ampliora videbuntur. Nam cum puer, quemadmodum a nobis supra dictum fuit, ad eam Remp. regendam & gubernandam vocatus esset, quæ tum ciuiliū dissensionum erat plenissima: tum finitimorum Principum ac populorum

C 3

Laudatio ad Funebrem concionem

lorum odiis vehementer laborabat: & iis fundamentis nitebatur, quæ labefactari & conuelli paulo momento posse putabantur: ausus tamen est in tanta rerum perturbatione: in ipsa Regni atque Imperii nouitate: cum vndique metus ac formidines impenderent: cum Exules bellum minarentur: cum Byzantio atque ex intimis Thraciæ faucibus classis innumerabilis accersita littora Italiæ, atque adeò ipsius Hetruriæ oras popularetur: Cum superiorum temporum difficultatibus AErarium exhaustum foret: Cum Hispania: Cum Gallia: cum Belgia: cum Insubria bello vexaretur atrocissimo: ausus, inquam, est magno vel potius incredibili sumptu suo literatissimos homines & in omni scientia principes è variis Orbis Terrarum partibus in hanc Urbem euocare: & apud vos Theologiæ, Philosophiæ, Iurisprudentiæ, cæteris denique omnibus disciplinis ac facultatibus, quæ liberales dicuntur, sedem ac domicilium constituere. Vthæc ipsa Vrbs, quæ nescio quo fato peculiari suo multos iam annos in situ & squalore contempta ac deformata iacuerat, ciuibusque penitus exhausta, atque omnibus ornamentis spoliata pristinam illam dignitatē suam amiserat, tum primum recollectis & recuperatis propemodum viribus refici paulatim ac recreari ceperit. Itaque eam hodie finitimæ nationes magna sua cum admiratione sic celebrem & florentem intuentur, vt partim inuideant: partim **C O S M I M E D I C I S** erga vos beneuolentiā, & in studia literarū egregiam voluntatē suspiciant. qui ingentibus propositis præmiis doctissimos homines apud vos aluerit: quorum è scholis clarissimi adolescentes & omnibus doctrinis instructissimi prodierint: quiq; urbem frequentissimis ædificiis ornari: vias muniri: agrum purgari: paludes exiccari curauerit. Quamobrem Urbem hanc vestram, Ciues, quæ Cælo & loco calamitosa putabatur, hodie saluberrim-

Petri Angelii Bargai.

berrimam esse tum ex ciuium, tum ex peregrinorum
incredibili frequentia cognoscimus. Si quis igitur est,
qui extremo hoc tanti Herois à nobis discessu non mo-
ueatur: qui *COSMVM MEDICVM* Magnum He-
truriæ Ducem tanquam optimum parentem, ac non
modo de hac ciuitate, quam ipse singulari semper qua-
dam charitate profecutus est: & cuius aspectu tanto-
pere delectabatur, vt ab eo in primis recreari videretur,
sed de Rep. Christiana optimè meritum sibi esse
perpetuo lugendum, & tacita pietate deplorandum
non putet, eum ego, vt idem iterum atque iterum re-
petam, ne in hominum quidem numero haberi oportere
censeo. Verum enimuerò tantum abest, vt hu-
iusmodi quisquam inter vos sit, vt vester dolor, ve-
stræque lacrymæ, quarum vim incredibilem hoc tam
acerbo casu effundi video, consolationem potius ali-
quam desiderent: quam quidem ego doloris magni-
tudine victus inuenire atque excogitare nullam pos-
sum. Te enim *COSME MEDICES* amisimus, cuius
in beneuolentia & charitate erga hanc Ciuitatem in-
credibili tuti conquiescebamus. Cuius humanitatem,
clementiam, & liberalitatem sapissime experti in ma-
gnarum omnium affluentia beatissimi versabamur.
Cuius denique virtutem, sapientiam & prudentiam
intuentes nihil vnquam nobis secus esse euenturum
verebamur, quàm vellemus. Ac tu quidem nunc ex
his tenebris ex hac temporum confusione, ex hac ho-
minum peruersitate & rerum humanarum inconstan-
tia corpore solutus discessisti: teque in lucem vindica-
sti: & in eum locum contulisti: in quo liber ab omni
perturbatione rerum omnium auctorem atque opifi-
cem Deum contempleris: & à quo nos miseros, affli-
ctos, infelices atque in luctu iacentes cum vides, fidem
erga te & constantiam quibuscunque potuimus in re-
bus contestatam recognoscas: Beneficiorum, quæ tu
in nos

Laudatio ad funebrem concionem

in nos plurima & maxima contulisti, memoriam a-
mandam censeas. Ac nos quidem te tum propter
virtutes tuas Cœlo receptum, & cum Dis agen-
tem ævum: tum quòd FRANCISCVM. F. vi-
cestuas in imperio sustinentem, iisdemque in vesti-
giis herentem, quæ tu in terris cum esses ad factorum
tuorum immortalitatem impressisti, nō modo gentis
& familie, sed etiam honoris & gloriæ Heredem: & in
Regno incredibili tua cum prudentia optime consti-
tuto Successorem reliqueris, piè sancteque semper ob-
servabimus: tuique nominis desiderium crebris
sermonibus renouare, & memoriam cum
charitate vsurpare nunquam desi-
nemus. Dixi.



FLORENTIAE.

Apud Iuntas.

M. D. LXXIIII.

